

增修萬縣志卷三十一

士女志

忠烈

義烈

孝義

救親割股

累世積善

成仁取義大節攸關若庭幃寢膳本庸行而至德要道存焉世有殺賊救親割股療親者雖匹夫一節而一時至性激發鬼神可感至於積善累世則亦非尋常仗義所能及也

明

鄧天祿

舊省志萬縣人明末爲太平戍守把總與

萬縣志

卷三十一

士女志

忠烈

一

覃璞共守城賊楊東蔭陷太平覃璞被執賊欲降之不屈賊磔璞天祿奮拳擊賊賊怒並磔之勝朝殉節諸臣錄乾隆四十一年 予入忠義祠

羅維先 舊省志萬縣人明末戍守太平楊賊陷城維先手刃妻子驅家人閉於一室縱火焚屋躍入火中舉家皆死勝朝殉節諸臣錄乾隆四十一年 予入忠義祠

吳獻棐 勝朝殉節諸臣錄貢生萬縣人獻賊入城大罵強以爲參軍不受見殺子之英亦被磔死乾隆

四十一年 予入忠義祠舊志吳獻斐貢生幼性敏嗜學賊入川被執強逼以職不屈賊怒斷臂解腕而死子之英邑庠生亦不屈被磔暴屍西山觀池中  
國朝

楊春芳 省志萬縣人由行伍歷官都督同知管溫州城守副將康熙十四年耿逆犯溫州春芳死之二十年奉

旨優卹

賜祭葬

祀忠義祠

魏元相 省志梁萬營馬兵勦金川屢次殺賊有功

萬縣志

卷三十一

士女志

忠烈

二

以千總坐補乾隆三十八年陣沒

卹蔭如例

祀昭忠祠

萬欽 省志萬縣人阜和營外委隨勦黔楚等處逆苗屢立戰功乾隆六十年攻奪烏草河力戰陣沒

卹蔭如例

祀昭忠祠

程安國 省志萬縣人順慶營額外外委派勦邪匪

嘉慶二年擊賊於天星橋陣亡

卹蔭如例

祀昭忠祠

龔正海 省志由武生軍營効力隨勦邪匪驍勇善戰以功給六品頂帶 賞戴藍翎嘉慶六年帶領鄉勇在開縣三磴坡擊賊陣亡 卹蔭如例

祀昭忠祠

馬定國 字輔廷少貧執末藝然素豪俠在市井巾  
獨喜扶弱摧強急人之難咸豐六年從軍入湖北撫  
標霆字左營從統領鮑超攻勦粵逆於小池口盡毀  
沿江賊壘戰於黃梅壘獲勝撫臣胡林翼彙 奏授  
把總 賞戴藍翎從超攻楓青驛連踏賊營十三座  
遷守備八年三月皖大股賊入麻城以守備從超赴  
援大勝之五月克復麻城日夜窮追一百數十里督  
臣官文 奏遷都司並 賞換花翎是月超調回宿  
松定國以都司從攻太湖八月克太湖進攻安慶十  
萬縣志

卷三十一

士女志

忠烈

三

月舒桐大股賊上竄從回援宿太踏平花涼亭一帶  
賊壘遷遊擊九年十二月超調赴小池定國以遊擊  
從攻小池援賊破之連克復太湖潛山遷叅將十一  
年 欽差大臣兩江總督曾國藩遵

旨

保酌

楚軍收復黟縣羊棧嶺盧村兩次獲勝暨擊敗洋塘  
等處出力員弁遷副將自爲把總至副將皆從統領  
鮑軍門超而攻城拔壘野戰功爲多同治元年春定  
國回籍省墓時滇賊入蜀藍逆二順竄臨江猖獗知  
縣余居寬訓導范泰衡請於駱制軍檄定國帶勇防

勦定國乃畱萬部署營陣賊至忠汝溪遂卽日率勇出禦號召西南團練將營忠之四方山下以迎拒賊團練未集乃畱壁紅谷田是夜賊潛襲我先是定國以五百人爲營皆取之團練以曾入楚標得功戰士爲哨長親訓練一月演陣於蛾眉磧覺可用以戰然姦民遊勇頗多冒濫團勇中而司營務者又非由定國拔用與各哨長齟齬及賊至定國令開壁迎戰而眾不從定國怒曰不出戰則賊蹂我桑梓徑趨縣城吾何面目見安鄉官民也遂從後營門出大呼敢告

萬縣志

卷三十一

士女志

忠烈

四

奮勇重賞奮勇從出者數十百人賊眾數萬分股抄襲兵刃接而後無繼遂爲所乘定國身中三十餘傷手殺十數人而死數十百人皆戰沒督臣駱秉章以聞奉

旨優恤予建專祠以從陣亡勇丁附祀

賜祭葬蔭子騎都尉以恩騎尉世襲罔替

義烈

國朝

戴志春 省志嘉慶三年賊匪攻圍黑洞溝挺□格

鬪被戕

陳周恩 省志嘉慶三年賊匪竄至康腦坡周恩率領鄉勇悉力堵禦賊至分水又用火鎗擊斃二十餘人夜半賊從山後猝至被執遇害

秦應瑁 郡志字相栢邑職員性慷慨好施濟嘉慶丁巳邪匪四起應瑁捐資募勇設立卡隘堵禦賊勢猖狂衝卡焚掠眾勸其早避應瑁曰數果應絕逃亦何益賊至偕子學滔不屈縊死

秦學滔 郡志字殿元萬縣廩膳生嘉慶丁巳隨父

萬縣志

卷三十一

士女志

義烈

五

禦邪匪一夕賊近勸父早避恐遇賊受辱不從學滔乃私屬其弟學瀆曰汝自爲計毋及於難兄名教中人不可舍父偷生賊至繞門數匝知不免遂與父相對縊死

陳祥瑞 郡志萬邑武生耿介性成忠勇過人嘉慶二年逆匪犯境祥瑞率鄉勇禦敵於梁萬交界之新場賊眾勢狂祥瑞力不敵鬪死

祀昭忠祠

愚聞萬父老言武生陳祥瑞素負俠氣嘉慶初逆匪入境奉調護衛縣城賊首郭某者少與祥瑞同學祥

瑞聞其至請於官單騎往說降賊前驅執而脅之不屈死郭酋至歸其口曰吾負陳義士也郡志失實故附記之

劉鍾璵 郡志萬邑庠生嘉慶三年賊匪侵擾鍾璵遇賊被擄逼脅不從罵不絕口致賊戕害

張維正 郡志萬邑武生嘉慶二年賊匪侵擾維正設卡堵禦賊不能破後賊勢猖獗力不能支乃抗義不屈與弟維良同溺死巴陽峽中

樊文宗 嘉慶三年賊匪入境文宗率眾夜入賊營

萬縣志

卷三十一

士女志

義烈

六

拴其口李大志梁山令方積予以軍功頂戴不受後賊屯白石壩宗堵截要隘賊計擒宗愛其勇釋之令演鎗法得間掉鎗殺數賊賊眾擁而磔之祀昭忠祠文德章 賦性樸直嘉慶三年教匪由獅山下焚掠城外德章正牧馬灤渡橋下被獲以大義罵賊賊怒割其兩頤猶有聲復刺其顴脇乃死

郭朝魁 字春芳喜讀書尤精醫父早逝敬兄備至兄子多不肖破其家朝魁不計且唯恐憂兄也兄卒諸姪苦求分爨不能禁乃涕泣從之而請奉養其嫂

有姪流蕩不歸姪婦男女數口皆食於魁生平無狹邪遊戇直與人排難解紛不畏強禦里人憚之同治元年藍逆犯境魁已入寨見賊逐一戚友婦遂挺身下力斥其非因被獲賊與之食曰吾不食掠來之食與之衣曰吾不服攜來之衣賊酋有疾人言魁善醫則曰吾醫人不醫賊賊怒而殺之遠近聞者識與不識皆隕涕

王一寬 余富發 余登榜 均於藍逆竄佛寺舖破碕擄脅不屈遇害

萬縣志

卷三十一

士女志

孝義

七

張明斗 藍逆竄三正里八甲罵賊墜巖死

王秀經 張明發 奮勇殺賊死

愚按梁萬營兵丁出征陣亡應附祀昭忠祠者皆有案可核同治元年藍周逆竄萬境陣亡勇丁有應附昭忠祠與馬協鎮專祠者或未及稟詳或已稟詳入祀而名改易鄉人不能確指若或誤遺則死事者魂魄長憾何窮爰採訪附錄於後以彰義烈

劉正學 何春亭 楊天錫 何地盛 何地清

平長保 駱肇惠 毛一正 潘連 程煥然

張占春 張 榮 唐世福 姚芳春 王光曜

侯大望 熊正泰 何 珍 王豁然 均從馬副

將勦賊死

李毛子 從尤炳璋堵勦周逆於張家寨中礮亡

余有方 曾有道 李 寅 楊依禮 李芳林

楊見 均從阮文魁堵勦周逆於石坎埡陣亡

孝義

明

傅之元 舊志邑庠生年甫十一歲母疾篤割股以

萬縣志

卷三十一

士女志

孝義

八

進母疾愈省志同

鄧璜 舊志邑諸生素以孝聞母生毒瘡垂危跪牀

前誦經籲告恍惚中見有鬼吮瘡而愈

國朝

傅朝舉 省志萬縣人事繼母王氏以孝聞及卒親

築墳塋獨居三年乾隆五年奉

旨建坊旌表

祀忠義孝弟祠

魏士良 邑歲貢號靜軒幼卽莊敬澀白圭二字於

肱日以曾子三省自勉嘉慶初練團堵賊一鄉恃以

無恐磁州宋明府大中宰萬有惠政卒官母老子弱  
貧不能返櫬士良素未受知既偕邑人醵賻歸貲獨  
慨然走數千里護歸其家視葬畢遊都中將應京兆  
試期近忽夢母病心動遂馳歸母果卧疾見良喜而  
愈家居建宗祠置祭田修族譜養老撫孤故人張俸  
斗歿遺跛女嫁之而恤其夫家倡設講約公所獎善  
愧惡有悔心無正業者量予貲本玉成之自是鄉里  
益多善良道光十五年詳請 旌表 祀忠義孝弟祠

張蕙林 邑監生性孝友父病篤蕙林割股和藥以

萬縣志

卷三十一

士女志

孝義

九

進及卒廬墓三年母疾危復與弟德正割股和藥妻  
幸弟妻楊咸割股以助疾遂瘳越數年母卒兄弟廬  
墓三年道光十六年詳請 旌表

陳大方 字鉅宜性孝友慈仁早孤事孀母能以色  
養兄弟怡怡翁和母族貧者多依之居母樂之家不  
甚豐族姻鄉鄰有喪葬婚嫁無力者大方輒引爲己  
任貧人稱貸輒焚其券荒年則捐穀賑濟全活者眾  
嘗念歲凶民困艱於醫藥備藥餌命子光熙兼習岐  
黃赴其急至求診切方餌者盈門則色喜然大方好

施予而取甚廉常曰士大夫若愛一文不值一文聞者無不肅然起敬同治三年詳請旌表

祀忠義孝  
弟祠

趙其昌 省志萬縣康熙丁酉科舉人父應虎溺於江其昌沿流哀號得屍以葬廬墓三年

蘭發玉 郡志萬縣人字煥彩幼失怙事母孝母性溫和發玉事之若嚴父然母年七十孺慕依依家貧未能終讀其行事儼若學問中人後稍積財宗族有婚葬不逮者鄉里有貧苦急難者量力周助設夜燈修道路善行多端乾隆二十年邑令劉文華旌其門

萬縣志

卷三十一

士女志

孝義

十

曰望重鄉邦

杜宗琰 郡志字蒼山萬邑增生胞弟宗珮廩生俱稱孝友宗琰持家待姪無異所生終身如一卒年七十一歲宗琰之子四禧祐祺庠生祚監生宗珮之子四禮拔貢生任富順縣教諭保舉知縣選授江蘇安東縣知縣祐增生初祥監生禮之子恂庠生人以爲孝友所致

賴奎亮 郡志字容璋其先閩省人父錦漢入蜀遂家萬邑奎亮事親盡孝處世和平邑人咸欽仰之子

六長子成極友愛 地封徵仕郎次子勲嘉慶己未  
進士由翰林院庶吉士散館改用知縣陞任江西定  
南廳同知三子輔監生四子鼎廩生任重慶府學訓  
導五子箴廩生季子頤歲貢生奎亮

誥封奉政大夫

張國珍 郡志萬邑儒士也幼失怙母張氏孀居多  
病常在牀褥國珍多方調治藥必親嘗飲食必親檢  
閱母病篤國珍衣不解帶卧於榻前歷久不懈歲餘  
母歿哀禮並盡廬墓三年

萬縣志

卷三十一

士女志

孝義

十一

嚴精鰲 郡志字占魁萬邑處士也性孝友年十四  
母病篤湯藥必親母歿廬墓三年後事繼母孝亦如  
之年二十父母俱亡遺異母弟方襁褓撫養成立友  
愛維殷

牟大材 郡志字美用萬縣人性至孝家貧傭工養  
親母病危割股以進病遂愈

徐步青 郡志萬縣增生道光元年公舉步青孝廉  
方正未幾病故眾論惜之

救親割股

饒家實 同治元年三月藍逆突至塘房實持兩短刀扶母行一賊執大刀追截實踣賊殺之母駭不能舉步乃負母上寨

張永智 同治元年藍逆入境智兄永仁獲於賊智挺身救兄殺賊而歸

康景正 同治元年三月藍逆入境正弟景祥被獲正趨救撻賊以挺賊釋手正棄挺奪其刀殺賊攜弟歸

周正緒 家極貧不識字其父周文祥患病三載正

萬縣志

卷三十一

士女志

救親割股

十二

緒日則傭工夜則奉藥一夕割股徑二寸許煎藥以進父病遂瘳

周信懷 父病篤信懷割股煎湯以進父食之病愈

李永馥 母陳氏病風幾危馥割股和藥以進旋甦母歿父升芳病復割股

冉永開 母陳氏素患弱厥後病篤割股以救尋愈何賢綸 母病篤嘗割股療之病良已

陳世錫 母徐氏病篤錫割股和藥以進旋愈

李馥 邑庠生母目疾不已馥割股和藥以進母目

頓明

累世積善

蔣以仕 邑貢生字學徵性慈祥樂善不倦設義學於鄉歲饑則捐穀平糶設濟生堂延醫施藥大江湖灘息沸面窄小子夏秋水險多覆舟灘上小舟惟利攘取貨物棄溺人不一引手以仕設救生局與舟子約拯一人千錢於是舟子爭先每歲全活百數十人道光二十三年詳請 旌表子孫繼志立祠堂以主其事世世施藥拯溺不替活人以萬計同治四年復增設救生局於下游徐那洞凡捐輸賓興全貞縣中大義舉靡不捐重貲爲倡

杜文盛 邑附貢生字郁亭施棺掩骼樂善不倦教匪肆逆文盛捐築土城捍衛鄉里後復捐修長椿橋及疾革諄諄以置義田增書院膏火爲遺囑卒年五十八歲其子職員越竟出重貲以成父志捐銀五百餘兩資鳳山書院膏火在東關內捐設義學一所高朗整齊几案悉備每歲束修錢三十千延師以教載郡志越子鍾崑克承父志增束脩每歲錢六十千迄

今遵行不替鍾嵎字峙三爲人闊達慷慨尤明大義  
樂善不倦道光初年捐修佛寺舖沓水二橋議叙鹽  
知事銜邑舊試文童於縣署不免雨飄日炙又自備  
棹橙關防難周前後邑宰議修考棚而工鉅費多終  
莫能就鍾嵎慨然獨任其事於道光十九年興工在  
東關外建造試院一所規模宏敞體制嚴肅越三年  
落成計用錢萬六千二百餘緡二十三年議叙鹽運  
使司運同銜二十六年三月小西門外連被回祿延  
燒數百家五月西山觀側災咸豐初數次火鍾嵎前

萬縣志

卷三十一

士女志

累世積善

十四

後賑給錢不下千緡二年邑設賓興會助錢千二百  
緡粵匪之役輸軍餉銀千二百兩萬縣籌防錢五百  
千同治三年歲飢平糶捐穀三百石倡爲全貞會以  
恤嫠婦捐錢千緡是年復輸軍餉議叙加道銜凡邑  
有善舉靡不多出貲以爲眾倡不可枚舉邑言重義  
輕財咸首推之